



PRÆFATIO.

Dostremus hic labor, Christiane lector, mihi nō postremum facessit negotium in system. theol. ad finem perducendo. Nam si tempus, quo hæc elucubraui, spectes, illud proculdubio est longe difficillimum, & merito accensendum illis, quæ requirunt threnos, non atramentum. Deinde si varietatem exemplorū, quibus ars concionandi fuit illustranda, expendas, Herculei laboris fuit sic omnia arctare, vt vltimus hic tomus mole sua superiores non excederet. Deniq; si paucitatem eorū, qui politiam ecclesiasticam & theologiam acroamaticam tractarunt, consideres, vix vnus & alter fuerunt, quorum autoritate pro clypeo, tractatione pro norma vti potuerimus. Veniam itaque dabis, si quando non satis exasciata tibi videbor scripsisse, & de ratione instituti, de que vsu huius opellæ me breuiter verba facientem patienter feres. Atque vt hinc ordiar, in *Rhetorica ecclesiastica* tradenda non satis recte versari mihi videntur, qui præcepta præceptis accumulunt, de exemplis cōcionum ne quicquā solliciti. Existimaui ergo me recte facturum, si artem augustissimam methodo

thodo